



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 528 8° (LN 747 8° copy 2)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 528 8° (LN 747 8° copy 2)






Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 528 8° (LN 747 8° copy 2)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 528 8° (LN 747 8° copy 2)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 528 8° (LN 747 8° copy 2)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 528 8° (LN 747 8° copy 2)



No 528.



*M. Tindler fecit*  
= LN 747 vx. 2



ANTIDOTVM  
ADVERSVS  
PESTEM DE  
SPERATIONIS.

*Autore*  
NICOLAO HEMMINGIO.



H A F N I Æ  
*Excudebat Iohannes Stoc-*  
*kelman.*

---

CIO IO. XCV.







**D**UPLEX ESSE IN  
Ecclesia militante, genus  
hominum: unum piorum,  
impiorum alterum, sacrae  
testantur literae. Illi quidem  
Dei iustitiam ita considerant, ut à miseri-  
cordia eius non recedant: atq; ita tranquil-  
la fruuntur conscientia quiete: Hi eandem  
Dei iustitiam ita contemplantur, ut horri-  
bili fremitu et metu iusti ac seueri iudicij di-  
uini, à misericordia Dei turpiter deficiant,  
et excidant. Quò autem pij, solius Dei mi-  
sericordia sese conseruari sciunt certius: eo  
multo quàm impij, à Diaboli insidijs impe-  
tuntur miserabilius & acerbius. Cuius ex-  
empla plurima nobis suppeditat sacra hi-  
storia. Ad eiusmodi autem insultus & ma-  
chinationes. Diaboli munendi sunt animi  
piorum, ut ex tentationibus tandem emer-  
gant, uictores firmitus consistant, alijsq; suo  
exemplo prosint: quod si uero aliquando  
A 2 ruant,




ruant, fortiores tamen surgant: nec cū Pharaone, Saule, Iuda, Simone et alijs, ab agnita Dei misericordia desperent. Talia animorum infirmorum remedia proponit nobis uir absolutæ doctrinæ & pietatis NICOLAVS HEMMINGIVS in breui de desperationis antidoto tractatu, quem, cū mihi ab amico quodam meo communicaretur, ideo inscio authore (in quo facile apud illum excusationem mereri me puto) edere uolui, ut communibus studijs consulerem. Videbam enim huius uiri monumenta hætenus quidem edita, in omnium propè studiosorum manibus uersari ac legi: ea uero, quæ lucem adhuc nondum uiderunt, cum adhuc in litura essent, diligentissimè colligi ac describi. Tu igitur, lector beneuole, hoc meum consilium, à quo non alienum est aliorum literatissimorū hominum iudicium probabis, autori uero de Ecclesia bene merenti uitam longiorem precaberis. Vale et nobilissimo ac utilissimo hoc scripto feliciter perfructe.

Samuel Selfisch Iunior.



ANTIDOTON  
ADVERSVS  
PESTEM DE  
SPERATIONIS.

 **UOD** CHRIS-  
tus in <sup>stom</sup> agone mortis  
suis discipulis <sup>crucifixi</sup> man-  
davit, ad nos quoq; <sup>ad nos omnes</sup> pertinere co-  
gitemus. Vigilate, inquit, &  
orate, ne introëatis in tentatio-  
nem: quibus verbis, & quantis  
in periculis versemur, donec in  
hoc mundo peregrinamur: &  
quanta diligentia cauere hosti-  
um insidias oporteat: & quo-  
modo id fieri debeat, significas-  
tur.



## ANTIDOTVM

tur. <sup>placet</sup> Vigilandi verbo, non solum nos hostes habere, & ab hostibus cingi, verumetiam summum studium adhibendum esse, in cauendis hostium, Satanae, carnis, mundi insidiis moneamur, ne quo modo acerrimi isti hostes nos inuadant, fidem evertant, conscientiam vastent, ac spolient nos vestimentis illis candidis, quibus Christus Sponsus noster nos ornauerat. Beatus (ait Dominus in Apocalyp. 16. 15.) qui vigilat & custodit vestimenta sua, ne nudus ambulet. Sunt autem vestimenta Christi



ADVERSUS DESPER.

Christianorum, iusticia & sanctitas. Iusticia induitur per fidem: obedientia enim Christi, quæ est Christianorum iusticia, credenti imputatur. Sanctitas induitur per spiritum sanctum: Credentes enim, & iustificati fide, donantur spiritu sancto, qui in ijs tales motus creat, qualis ipse est: vnde fit, vt nostra obedientia sit spontanea & alacris. Hæc vestimenta, vult Dominus, vt custodiamus, ne nudi ambulemus, spoliati à nostris hostibus, sathana, mundo, carne. Quoniam autem non  
A 4 est



## ANTIDOTVM

est humanarum virium, tantis  
Et tam immanibus hostibus oc-  
currere, iubet nos dominus ora-  
re, vt quod ex nobis non possu-  
mus, in Christo facile valea-  
mus. Confidite, inquit, ego vi-  
ci mundum, Iohannis decimo  
sexto, Versu trigesimo tertio.  
Huc respexit Iohannes, cum  
scriberet 1. Iohan. 5. 4. Hæc  
est victoria, quæ vincit mun-  
dum, fides nostra. Vt enim fide  
Christum possidemus, ita Chri-  
sti virtute hostes nostros spiri-  
tuales superabimus. Quare cum  
semper oppugnamur ab hosti-  
bus,



ADVERSUS DESPER.  
bus, semper orabimus, ut Chris-  
tus victor nobis semper adsit,  
ne ab hostibus nostris vnquam  
expugnemur. Et quia saepe la-  
bimur (tanta est enim carnis  
nostrae infirmitas, tanta mundi  
peruersitas, tantae Sathanae in-  
sidiae) duo in primis cauenda  
sunt. Vnum, ne lapsi immore-  
mur in peccato. Nam quò diu-  
tius in cœno peccati volutamur,  
eò difficilius inde eluētamur.  
Alterum, ne circumuenti ab ho-  
stibus, & diutius in peccati cœ-  
no detenti, desperemus veniam.  
Nam prima salus est, citò resi-

A 5

pisce-



## ANTIDOTVM

*piscere, & declinare culpam:  
secunda, non desperare veniam.*

*Nam desperare veniam extre-  
mum malorum est. Vt autem  
hic scopulus desperationis dili-  
gentius à nobis caueatur, visum  
est mihi hoc tempore remedia  
aduersus desperationis venenum  
ex apotheca Dei, id est, scriptu-  
ra sancta colligere ac dicam:*

*Primum, quid sit desperatio,  
& quàm horrendum ma-  
lum sit.*

*Deinde, quomodo occurren-  
dum sit desperationi, ne ho-  
minē in mortem æternam  
præcipitet.*

DE



## ADVERSUS DESPER. DE PRIMO.

Desperatio (de qua nobis hic sermo erit) est horribilis mentis & cordis seu conscientiae trepidatio, ex sensu irae diuinæ propter peccatum concepta, cum metu æternæ damnationis, sine ulla expectatione ueniæ. Tristissima exempla in Cain & Iuda conspiciuntur. Vterq; enim desperationis, gurgite absorptus est. Cain oppressus sensu iræ diuinæ & metu æternæ damnationis exclamat: Maior est iniquitas mea, quàm ut ueniam consequar. Iudas prodito domino pœnitens quidem, sed non resipiscens ait: Peccauit, tradens sanguinem iustum. In Cain ex desperatione nascitur obduratio, cum extremo contemptu Dei & Ecclesiæ. In Iuda ex desperatione nascitur homicidium. Nam hic magnitudinem doloris non sustinens strangu-lauit seipsum. In his duobus exemplis initia desperationis diuersa sunt. In Cain enim  
initium



## ANTIDOTON

**A**3 initium desperationis fuit hypocrisis, &  
opinio meriti, cuius natura est eos omnes  
 extremè odisse & persequi, qui suas su-  
 perstitutiones non sequantur. Id quod Io-  
 hannes, 1. Iohan. 3. 12. his uerbis indicat.  
 Cuius gratia occidit (scilicet Cain) eum?  
 (scilicet fratrem suum) Quia opera eius  
 mala erant, fratris autem iusta. Hypocri-  
 sis igitur Cain excepit odium fratris iusti,  
 odium fraternum secutum est fratricidium.  
 Hinc conscientia mala torquet animum,  
 quam comitatur desperatio de uenia: quæ  
 postquam induruit, factus est Cain sum-  
 mus contemtor Dei, & persecutor Eccle-  
 siæ. Huius exemplum multi tyranni hodie  
 in papatu imitantur. Atq; ita Cain mag-  
 nam catenam scelerum texuit, uidelicet  
 præsumptionis de merito, odij fraterni, fra-  
 tricidij, desperationis, obdurationis, con-  
 temtus Dei, & persecutionis Ecclesiæ. in  
 Iuda initium desperationis seu primus gra-  
 dus fuit diffidentia, quæ est mater auaritia.

Nam



## ADVERSUS DESPER.

Nam ubi uera fides est promissionis diuinae, nullum locum habet auaritia, quæ idolatria à Paulo dicitur. Hæc auaritia à diffidentia nata sollicitat Iudam ad furtum, ut semper aliquid decerpserit furtim ex ijs, quæ Domino in subsidium à pijs hominibus donabantur. Hinc est quod adeo fremuit, cum uideret Mariam sororem Lazari effundere pretiosum unguentum in pedes Iesu. Quare, inquit, hoc unguentum non uenijt trecentis denarijs, & datum est pauperibus? Dixit autem hoc (ait Euangelista Iohan. 12. 5.) non quod pauperum ipsi cura esset, sed quia fur erat, & marsupium habebat, & ea, quæ mittebantur, portabat. Ab hoc fremitu aduersus piam fœminam, quæ unxit Domini pedes, in proditionem Domini prolapsus est, hinc in desperationem, hinc in laqueum, quo se strangulauit. Coniunxit ergo Iudas multa peccata, uidelicet diffidentiam, auaritiam, furtum, inuidiam, proditionem, desperationem,

B



## ANTIDOTVM

tionem, & homicidium. Horum omnium  
scelerum maximum fuit desperatio. Quod  
nam enim maius malum esse potest, quam  
negare misericordiam Dei, quod est spo-  
liare Deum sua gloria? Qui de uenia pec-  
catorum [ait Augustinus] desperat, negat  
Deum esse misericordem: magnam iniuri-  
am Deo facit, qui de eius misericordia dis-  
fidit: quantum in se est, negat Deum habe-  
re charitatem, ueritatem, potestatem, in  
quibus tota spes mea consistit, scilicet in  
charitate adoptionis, in ueritate promiss-  
sionis, & in potestate redemptionis. Et  
Bernhardus ait: desperatio auget pecca-  
tum: desperatio maior est omnibus pecca-  
tis: desperatio peior est omni peccato.

Porro desperationi duo opponun-  
tur, uidelicet bona rectaq; spes ex uerbo  
Dei per Spiritum sanctum concepta, &  
peruersa securitas. Illa salus est animæ:  
hæc pestis. Est autem bona & recta spes  
firma expectatio eternæ uitæ, & beatitu-  
dinis



## ADVERSVS DESPER.

dinis propter Christum, qui fide apprehenditur. Contrà uero, peruersa securitatis est, cum homo ideo indulget peccatis suis, quia scit DEVM esse misericordem: quod quid, queso, aliud est, quàm Deum contemnere, & pretiosum Christi sanguinem pedibus calcare? Non enim effudit sanguinem suum in ara crucis, ut tu indulgeas libidini tuæ, auaritiæ, furto, tyrannidi, sed ut à peccato declines, & secteris iusticiam. Ab hac igitur securitate peruersa dehortatur sapiens Syracidæ 5. 4. Ne dixeris, peccaui, & quid mihi acerbum accidit? Dominus patiens est, non te dimittet, de uenia ne sis nimium securus, ut peccata peccatis cumules. Ne dicas, misericordia eius plurima est, magnitudinem peccatorum meorum mihi ignoscet. Rationem subiungit. Quia, inquit, tam ira, quam misericordia ab eo properabit, ac super sceleratos furor eius requiescet. Sapiens ut non uult, cum ita loquitur, homi-



## ANTIDOTVM

nes de remissione peccatorum, siue uenia dubitare, ita non uult eos abuti misericordia Dei ad licentiam peccatorum. Ideo mox apponit saluberrimum consilium: non differas, inquit, conuerti ad dominum, nec diem ex die ducas. Fugienda est igitur peruersa securitas seductrix ac pestis anime. Nemo, ait Augustinus, peruersè sit securus, ista enim Duo occidunt animam: aut desperatio, aut peruersa spes.

## DE SECVNDO.

Præclare dictum est ab Augustino de poenitentia: Quicquid feceris, quantumcunq; peccaueris, adhuc in uita es: unde te omnino, si sanare nollet, Deus auferret: qui enim clamando tibi persuasit, ne recederes, parcendo clamat, ut redeas. Hactenus Augustinus. Quapropter omnino statuendum est, quod quam diu homo uiuit, quan=



## ADVERSUS DESPER,

quantumuis magnus peccator, si confu-  
git ad misericordiam in uera poenitentia,  
uerè recipiatur in gratiam. Gratia enim  
superat peccatum, utut magnum, multum  
& horrendum sit: nec Deus delectatur  
morte peccatoris, sed ut conuertatur &  
uiuat. Filius Dei dicit Luc. 5. 32. Non ue-  
ni uocare iustos, sed peccatores ad poeni-  
tentiam. Item Matth. 11. 28. Venite ad  
me omnes, qui laboratis & onerati estis,  
ego refocillabo uos. Cum his congruit di-  
ctum Domini. Ezech. 18. 27. In qua-  
cunq; die conuersus fuerit homo à uia sua  
peffima, omnium iniquitatum eius obliuif-  
car. Et Esa. 43. 25. Ego sum, ego sum,  
qui deleo iniquitates tuas propter me, &  
peccatorum tuorum non recordabor. Do-  
minus & magister noster Iesus Christus,  
docens nos orare, remedia efficacissima  
aduersus desperationem nobis commen-  
dat. Primum enim cum iubet nos compel-  
lare Deum patrem nostrum, uult ut ag-  
nosca-



## ANTIDOTVM

noscamus paternum ipsius animum erga nos, ut qui pater est, nos autem filij eius. Iam autem cum nullus filius uerè & serio resipiscens, de uoluntate patris sui erga se dubitare potest, neq; nos dubitare debemus de tam boni patris clementia. Hic affectus Dei patris erga quemlibet peccatorem resipiscensem pingitur in parabola de filio Prodigio Luc. 15. & David Psalm. 103. 13. ait: Quemadmodum miseretur pater filiorum, miseretur Dominus timen- tibus se. Deinde Dominus iubet nos pre- cantes dicere: Dimitte nobis peccata no- stra, quod sane non faceret nisi uellet pec- cata remittere. Vnde Augustinus: Cur do- cuisset ipse dominus orantes dicere: Di- mitte nobis debita nostra? nisi ipse mise- ricors perseveraret, qui nos ab hac prece- tione non uult deficere. Præterea iubet nos petere liberationem à malo, uult igi- tur nos liberare, modo in seria pœnitentia ad illum confugerimus. Hæc breuiter di-  
cta



## ADVERSVS DESPER.

Et sint de communi remedio aduersus omne peccatum, quantumcunque aut qualecunque fuerit, siue malitiæ, siue infirmitatis, siue ignorantie. Iam autem quoniam in alijs atque alijs possunt esse aliæ atque aliæ desperationis causæ, secutus peritos medicos, qui omnium primum conantur causas morborum amouere, causas desperationis inquiram, atq; ijs remedia ex uerbo Dei opponam: quo homo desperabundus erigatur in spem uenie, & uincat tristissimum desperationis malum. Videntur autem mihi præcipue desperationis causæ hæ sex.

Prima, Enormitas peccatorū.

Secunda, ignoratio voluntatis Dei.

Tertia, opinio particularitatis.

Quarta, Opinio peccati in spiritum sanctum cōmissi.

B 4

Quin-



## ANTIDOTON

Quinta, Moles calamitatum  
sine intermissione.

Sexta, Inueterata & longissi-  
ma peccandi consuetudo.

*Si has causas desperationis sustuleri-  
mus, facilius sanabitur desperabundus.*

### De prima causa despera- tionis.

Prima causa desperationis, ut pro-  
posuimus, est Enormitas peccatorum, quæ  
quis perpetravit, quibusq; se non Dei ser-  
uum, sed peccati & Diaboli mancipium  
declaravit. Qui facit peccatum, (ait Do-  
minus Iohan. 8. 34.) Servus est peccati.  
Servus autem peccati, Diaboli mancipium  
est, eiq; militat, qui turpitudine peccato-  
rum delectatur in contumeliam Dei. Ex  
quo patet quam abominabile malum sit  
peccatum, & quam graue, adeo ut omnes  
creaturæ, ne minimum quidem peccatum  
suis



## ADVERSUS DESPER.

suis meritis possint expiare. Quid ergo hic homini faciendum, sibi conscio tam horrendi mali? in apothecam, id est, in sanctuarium Dei oportet eum ingredi, ibique antidota contra desperationem, quæ ex enormitate & abominatione peccati oritur, quærere. Est autem apotheca seu sanctuarium Dei, ipsa Ecclesia Dei, in qua sonat uerbum Dei, quod uerbum sex rerum oppositarum comparationes habet, quarum singulæ facilius mederi desperationis malo, quod ex enormitate scelerum nascitur, possunt.

## COMPARATIONES autem hæ sunt.

1. Peccati & gratiæ.
2. Miseriæ hominis, & misericordiæ Dei.
3. Debiti & solutionis.
- B 5 4. Adam



## ANTIDOTVM

4. Adam & Christi. (nis.
5. Inimicitia & reconciliatio-
6. Morbi & medicina, seu æ-  
groti & medici.

In his uidendum est, quæ pars poten-  
tior & efficacior sit, & quæ impotentior  
& minus efficax.

Prima collatio est peccati & gratia.  
Sit sanè enorme peccatum tuum, si homi-  
nes respicis, quorum peccata, quam tua le-  
uiora, minora, & pauciora uidentur pon-  
dere & mensura: attamen absit, ut exce-  
dat gratiam Dei, quæ mensuram & pon-  
dus peccati totius mundi in infinitum ex-  
cedit & superat. Nequaquam ergo tuum  
peccatum potentius est ad damnandum,  
quam gratia Dei ad saluandum. Noli hoc  
scelus committere, ut existimes peccatum  
totius mundi, nedum tuum solius maius  
esse gratia: fidem adhibe spiritui sancto  
in Paulo loquenti Roman. 5. 20. ubi inter  
ceter



## ADVERSUS DESPER.

cetera hanc auream sententiam toto pe-  
ctore amplectendam habet: Vbi abunda-  
uit peccatum, superabundauit & gratia,  
hoc est, uehementer & supra omnem mo-  
dum exuperat gratia supra peccatum.  
Loquitur autem Paulus non de peccato  
unius hominis, sed de peccato totius mun-  
di, quod peccatum si superat gratia, ut re-  
uera teste spiritu sancto superat peccata  
totius mundi, cur non tuum, quantumuis  
magnum & triste peccatum superaret?  
Gratia hoc loco est gratuitus fauor Dei &  
beneuolentia, qua omnia peccata hominis  
conuertentis se ad Deum per fidem in Ie-  
sum absorbentur. Nam Deus pater om-  
nes resipiscentes charos habet in dilecto.  
Nunquam proinde ita peccatum abundare  
potest, quin gratia, qua Deus nobis re-  
mittit peccatum propter mortem filij, &  
imputat iusticiam filij sui, sit multo abun-  
dantior, adeo ut à peccato superari nullo  
modo queat. Hæc collatio peccati et gratiæ,



## ANTIDOTVM

ut clypeus fortissimus opponatur desperationi. Proinde ergo, quando enormitas peccatorum tuorum te ad desperationem sollicitat noli arguere spiritum sanctum in Paulo loquentem: mendacij, sed potius statue illum esse doctorem ueritatis, ut magister noster eum nominat, & certissimo certius persuadeto tibi, gratiam in infinitum esse potentiolem, quam tuum peccatum: ad quam gratiam, si in uera poenitentia confugeris, saluus eris, & beatus in omnem eternitatem.

Secunda collatio est miserie hominis, & misericordie Dei. Miseria hominis est iusta peccati poena. Sublato igitur peccato ex gratia, soluitur poena, quae est humana miseria. Tametsi igitur ingens est, & grauissima miseria humana: tamen nullo pacto maior est misericordia Dei. Nam cum haec misericordia omnia DEI opera excedat, fieri non potest, ut a miseria humana uincatur. Sic enim scriptum est



## ADVERSVS DESPER.

est Psalm: 145. Vers. 9. Bonus est Dominus omnibus, & miserationes eius super omnia opera eius. Causa huius immense misericordiae Dei *πρὸς ἀνθρώπους* quidem, id est, exterius mouens, ut obiectum, est miseria humana. *πρὸς υἱὸν* uero, id est, interius urgens est bonitas & amor, quo DEVS humanum genus, ut nobilissimam suam creaturam creatam & formatam, ad imaginem & similitudinem suam complectitur. De hoc amore DEI erga genus humanum testimonium perhibet Dominus noster Iohan. 3. 16. cum ait: Sic Deus dilexit mundum, ut Filium suum unigenitum daret, ut omnis, qui credit in eum, non pereat, sed habeat uitam eternam. Miseriam ergo humanam, cuius extremus gradus est eterna condemnatio, absorbet misericordia Dei ex intimo amore profecta propter mortem filij, idq; in omnibus, qui in uera poenitentia, ad DEVM conuertuntur, nam alios omnes, hoc  
C est,



## ANTIDOTVM

est, incredulos, ira Dei sempiterna obruet: non solum propter peccatum contra legem DEI commissum, sed etiam, idq; multo magis, propter contemptum remedium aduersus peccatum: quod remedium Euangelium promiscue omnibus offert. Porro de misericordia Dei, quæ multo potentior est nostra miseria, teneantur hæc dicta Dauidis Psalm: 32. 5. Misericordia Domini plena est terra. Item. 130. 7. Apud Dominum est misericordia, & copiosa apud eum redemptio. Item. 144. 9. Suavis Dominus uniuersis, & miserationes eius super omnia opera eius. Item. 8. Miserator & misericors Dominus, tardus ad iram, & multum misericors. Item. 103. 13. Quemadmodum miseretur pater filiorum, misertus est Dominus timentibus se. Item. Psalm: 103. 7. Misericordia Domini ab æterno, usque in æternum, super timentes eum. Item. Psalm: 103. 11. super altitudinem cœli à terra corroborauit



## ADVERSUS DESPER.

uit misericordiam suam super timentes se.  
Huc addam dulcissimum dictum Domini,  
quod est Esaie 49. 15. Nunquid obliuiscetur mulier infantis sui, ita ut misereatur filij uteri sui? etsi illa oblita fuerit, ego tamen non obliuiscar tui. Dictum Augustini, consolatione plenissimum: Cain dicit: maior est iniquitas mea, quam propitatio: mentiris Cain (ait Augustinus) Nam Dei misericordia maior est omnium peccatorum miseria. Fulgentius præclare dicit: DEVS noster sic est misericors & bonus, sicut infinitus & inuictus. Proinde bonitas inuicti non uincitur, & infiniti misericordia non finitur. Item, iustus est Deus & misericors, sicut ergo potest per iusticiam damnare auersum, sic potest per misericordiam semper saluare conuersum. Basilii: Magnus magnitudini peccati opponit τὸ μέγεθος τῆς ἐλέους Dei, & multitudini peccatorum τὸ πλῆθος ὁμιτηγμένων Dei. Si ergo illam ponderare, & hos



## ANTIDOTVM

hos numerare poteris, despera. Ad hanc magnitudinem misericordie, ad hanc multitudinem miserationum homo cogitans de sue miserie pondere & numero confugiat, & dicat uero corde: Miserere mei, secundum magnitudinem misericordie tue, & secundum multitudinem miserationum tuarum, dele iniquitates meas: nam si iniquitates obseruaueris Domine, quis sustinebit? sed apud te est propitiatio & copiosa redemptio. Hic locum habet dictum Augustini: Non timeat accessurus ad Deum aliquas iniquitates suas, tantummodo accedat pleno corde, & desinat facere, quae antea faciebat, & non dicat: illa iniquitas mihi non dimittetur.

Tertia collatio, est debiti & solutionis, seu culpe & satisfactionis. Peccata nostra debita nominantur propter similitudinem. Vt enim debita ciuilitate obligant ad solutionem, uel poenam: ita peccata spiritualiter obligant ad satisfactionem,



## ADVERSVS DESPER.

nem, aut ad pœnam æternam. Nam ita peccata nostra nos reatui obstringunt apud Dei tribunal, & debitores constituunt, ut nulla spes sit obtinendæ gratiæ, nisi per satisfactionem. Hæc satisfactio est mors Domini nostri IESV Christi, ut sequentia testantur testimonia. Roman. 4. 25. Mortuus est, scilicet Dominus Iesus Christus, pro peccatis nostris, & resurrexit propter iustificationem nostram. Iohann. 1. 29. Ecce agnus Dei, qui tollit peccatum mundi. 1. Timoth. 2. 5. Unus est Mediator Dei, & hominum, Homo Iesus CHRISTUS, qui dedit seipsum ἀντίλυτρον pro omnibus. Roman. 3. 27. Omnes peccauerunt, & destituuntur gloria Dei, iustificantur gratis ipsius gratia, per redemptionem, quæ est in Christo Iesu, quem proposuit Deus propitiatorium, in sanguine eius, in prima Iohannis primo, Versu nono. Sanguis Filij eius purgat nos ab omni peccato, prima Iohannis secundo, Versu



## ANTIDOTVM

Secundo. Ipse est propitiatio pro peccatis nostris, non pro nostris tantum, sed totius mundi.

Habemus quæ sint debita nostra, & quæ sit satisfactio: nunc ea inter se conferamus, ut nobis certo constet, sitne potentius peccatum ad damnandum, quam satisfactio Christi ad saluandum. Quam potens sit peccatum tristissima experientia totius mundi testatur. Lex enim peccati nemini parcit, non regibus, non sapientibus, non diuitibus, non pauperibus, nulli sexui, nulli ætati, nulli nationi parcit: omnes siquidem uarijs calamitatibus subiicit, & tandem non solum morte mulctat, uerum etiam omnes, qui non per satisfactionem liberantur, obruit æternis pœnis. Huiusmodi est debitum nostrum, sic mulctat lex peccati omnes, qui illud non soluunt. At tamen utut sæuum est: utut horrendum, utut maximum, tamen finitum est, superabile est, & potest in nihilum redigi. dva

780p



## ADVERSVS DESPER.

ergo enim Filij Dei multo potentius est sua bonitate, quam debitum malitia: multo est fortius ad saluandum, quam debitum ad perdendum: multo efficacius est ad salutem, quam debitum ad damnationem. Non dubito, ait Bernhardus, quin multo potentior & efficacior sit mors Christi in bonum, quam peccata nostra in malum. Qui sic? quia satisfactio est infinita, im- mensa: debitum finitum, & mensurabile. Quomodo, inquires, poterit unius hominis mors esse satisfactio pro tot peccatis totius mundi? Nonne mors illa finita est? Nonne temporaria? Nonne iam præterijt? Fateor quidem, quod mors sit unius hominis, fateorq; quod finita sit, quod præterierit, non enim amplius moritur, teste Paulo: attamen mors illa finita, est infinita satisfactio, est infiniti pretij & ualoris, quoniam non est mors puri hominis, qualis Iohannis & Petri fuit, sed est mors hominis, qui est Deus. Nam Deus & ho-



## ANTIDOTVM

mo unus Christus mortuus est, sed in ea natura, quæ mori poterat. Hinc est quod mors Christi sit infiniti pretij & ualoris, sufficiatque ad satisfactionem pro totius mundi peccatis. Congruebat enim iusticie diuinæ, ut quemadmodum unus homo peccauit: ac totam suam posteritatem peccato, & reatu inuoluit: Sic unus homo satisfaceret pro peccatis totius mundi iuxta scripturam. Verum quia minimum peccatum potentius erat, quam ut omnes creature possent illud superare, aut pro illo satisfacere, ideo oportuit illum, qui pro illo satisfaceret, esse uerum Deum, & uerum hominem: ut posset, quia Deus: deberet, quia homo, personam totius mundi sustinens. Etsi ergo hic homo IESVS Christus semel mortuus est, tamen ipsa mors perpetuo ualet, ad saluandos omnes, qui ad Deum in uera pœnitentia confugerint. Heb. 10. 14. Vna oblatione consummauit in æternum sanctificandos, Item, Veræ



## ADVERSUS DESPER.

Versu: 10. Sanctificati sumus per oblationem corporis Iesu Christi, semel peractam. Item, Vers: 12. Hic autem unus pro peccatis offerens hostiam in sempiternum sedet ad dexteram Dei. Item, Heb. 9. 28. Christus semel oblatus est, ad multorum exhaurienda peccata. Hinc tandem concludit Apostolus hanc exhortationem & consolationem. Ver. 19. Habentes igitur fiduciam introeundi in sancta, per sanguinem Iesu accedamus cum uero corde, in certitudine fidei, aspersi cordibus à conscientia mala, teneamus confessionem spei inflexibilem, fidelis est enim qui promisit. Cum itaq; solutio debiti seu satisfactio pro culpa sit multo maior & potentior ad saluandum, quam debium & culpa ad perdendum, nemo desperet ob magnitudinem & multitudinem suorum peccatorum, sed confugiat in uera poenitentia ad thronum gratie, per fidem in Iesum Christum. Memorabile dictum est Bernhardi in sermone



## ANTIDOTVM

de annuntiatione uirginis pagin. 151. De remissione peccatorum (inquit) ualidissimum teneo argumentum dominicam passionem. Vox siquidem sanguinis eius inualuit multo plus, quam uox sanguinis Abel clamans in cordibus electorum remissionem omnium peccatorum. Traditus est enim propter peccata nostra, nec dubito quin potentior & efficacior sit mors illius in bonum, quam peccata nostra in malum. Haftenus Bernhardus.

Quarta collatio est Adami & Christi. Hanc collationem Paulus 1. Corinth. 15. 21. instituit. Ita enim ait: Postquam per hominem mors, per hominem quoque resurrectio mortuorum. Sicut enim in Adam omnes moriuntur, sic & in Christo omnes uiuificabuntur. Hic Paulus opponit inter se Adam & Christum, tanquam contrarias causas, quarum sunt contrarij effectus. Vt enim per Adam peccantem mors peruasit in omnes homines: Sic per  
Chri-



## ADVERSVS DESPER.

Christum iustum uita uenit in omnes, qui credunt in eum. Roman. 5. 19. Quemadmodum per inobedientiam unius (Adam) multi constituti sunt peccatores: ita obedientia unius (Christi) multi constituentur iusti. Roman. 5. 15. Nam si unius delicto multi mortui sunt, multo magis gratia Dei, & donum per gratiam, quæ est unius hominis Iesu Christi, in multos abundauit. Iam nemo Christianus dubitat, quin Christus Deus & homo, sit potentior ad uiuificandum, quam Adam ad mortificandum. Quapropter quicumq; desperat ueriam, quantumuis sit magnus peccator, Christum contumelia afficit, eumq; in ordinem redigit, et infra Adamum collocat, quasi Christus non esset potentior ad saluandū, quam Adam ad perdendum.

Quinta collatio, inimicitie & reconciliationis, de qua Paulus ita scribit. Roman. 5. 10. Nam si cum inimici essemus, reconciliati sumus Deo, per mortem Filij



## ANTIDOTON

Filius ipsius, multo igitur magis saluabimur per uitam ipsius. Hic Paulus duplicem collationem instituit, primum, inimicitie & reconciliationis, deinde efficacie mortis & uitae Christi. Mors Christi est causa reconciliationis: uita, salutis. Hoc Pauli dictum Augustinus nominat arma, quibus expugnatur inimicus, & inuictissimum scutum, quo repellitur inimicus desperationem salutis suggerens, multitudine tribulationum & tentationum.

Sexta collatio est morbi & medicine, item egroti & medici. Dominus noster se medicum nominat, & omnes male habentes uocat, & offert ijs suam operam, Matth. capit. undecimo, Versu uigesimo octauo. Venite omnes, inquit, qui laboratis & onerati estis, ego refocillabo uos. Hoc intellexit Dauid, cum in Psalm. centesimo tertio, Versu primo, caneret: Benedic anima mea Domino, & omnia, quae intra me sunt, nomini Sancto eius. Benedic



## ADVERSVS DESPER.

medic anima mea Domino, qui propitia-  
tur omnibus iniquitatibus tuis, qui sanat  
omnes infirmitates tuas, qui redemit de in-  
teritu uitam tuam, qui coronat te miseri-  
cordia & miserationibus. Christus ergo  
noster medicus cum sit Dei sapientia, po-  
test curare quosuis morbos. Hinc Ful-  
gentius concludit: Si peritus est medicus,  
omnes potest infirmitates sanare, si mise-  
ricors est Deus noster, etiam potest peccata  
dimittere. Non est perfecta bonitas,  
a qua non omnis malitia vincitur: Non est  
perfecta medicina, cui morbus aliquis in-  
curabilis inuenitur. Scriptum enim tene-  
tur in sacris literis Sapient. 7. 30. Sapi-  
entiam autem non vincit malitia. Quid  
ergo putemus nobis remitti non posse, cum  
propitius sit Dominus omnibus iniquita-  
tibus nostris? aut quid in nobis aestimamus  
sanari non posse, cum Deus sanat omnes  
languores nostros? Nemo igitur de medi-  
co desperans in infirmitate remaneat. Ne-



## ANTIDOTVM

mo misericordiam Dei extenuans, in iniquitatibus contabescat. Apostolus clamat Roman. capit. quinta, Versu sexto. Christus pro impijs mortuus est. Ipse Medicus dicit Matth. cap. nono, Versu decimo tertio. Veni in hunc mundum peccatores saluos facere. Matth. capit. decimo octauo, Versu undecimo. Veni saluare, quod perierat. Qualecunq; sit ergo, & quantumcunque peccatum, non potest incurabile manere, modò Christus medicam manum adhibeat. Hic ergo ab egroto querendus et orandus est, iuxta dictum Esai. quinquagesimo quinto, Versu sexto. Querite Dominum, dum inueniri potest, inuocate eum dum prope est. Derelinquat ergo impius uiam suam, & uir iniquus cogitationem suam, & conuertatur ad Dominum, quia multus est ad ignoscendum. Relinquat ergo impius uiam suam, qua peccat: relinquat iniquus cogitationem suam, qua de remissione peccatorum desperat, & secun-



## ADVERSVS DESPER.

secundum Prophetæ dictum conuertatur  
ad Dominum, quia multus est ad ignos-  
cendum. In hoc multo nihil deest, in quo  
est omnipotens misericordia, & omnipo-  
tentia misericors. Imitetur ergo peccator  
exemplum Davidis Psalm. 6. 3. in hunc  
modum precantis: Miserere mei Domine,  
quoniam infirmus sum: sana me Domine,  
quoniam conturbata sunt omnia ossa mea,  
quasi dicat: Ego infirmus sum, tu medi-  
cus: sana me ergo ad te confugientem ex  
mandato tuo. Et alibi ait Psal. 51. 1. Mi-  
serere mei Deus secundum magnam mise-  
ricordiam, & secundum multitudinem mi-  
serationum tuarum, dele præuaricationes  
meas, hoc est, peto Domine Deus magnam  
misericordiam tuam, quia sentio magnam  
miseriam meam. Peto magnam medicinam  
tuam contra plagam magnam meam, peto  
multitudinem miserationum tuarum, con-  
tra multitudinem iniquitatum mearum. Tu  
etiam solus sanas contritos corde, & alli-



## ANTIDOTON

gas contritiones eorum, cum sis bonus u-  
niuersis, & miserationes tue excedant  
omnia opera tua. Psalm. 145. 9. Huc ad-  
dam memorabile dictum Augustini ex Psal.  
102. Omnipotenti medico nullus languor  
insanabilis occurrit: tantum enim doctiori  
te sine, manus eius ne repellas: nouit quid  
agat: non tantum delecteris, cum fouet, sed  
toleres, cum secat.

Hæ sex collationes semper animis  
nostris sint infixæ, has cogitemus, quoties  
precamur: Dimitte nobis debita nostra, &  
statuamus uero corde misericordiam Dei  
potentiorum & efficaciorum esse, nostra  
misericordia: statuamus gratiam supra omnem  
modum exuperare peccatum totius mundi  
statuamus pretium solutum pro debitis no-  
stris, esse multo maius & potentius debito,  
& satisfactionem culpa: statuamus Chri-  
stum, secundum Adamum, potentiorum esse  
ad uiuificandum, iustificandum & saluan-  
dum, quam Adamum primum ad occiden-  
dum,



## ADVERSVS DESPER.

dum, condemnandum & perdendum. Denique statuamus, reconciliationem nostram cum Deo superare inimicitias quæ fuerunt, & medicinam morbo hominis esse potentiorē. Hinc proinde discamus, quam suavis sit Dominus, & quam beatus sit, qui sperat in eo.

### De secunda causa desperationis,

Secunda causa desperationis, ut proposuimus, est ignoratio uoluntatis Dei, quam sola scriptura nobis patefacere potest: quare testimonia scripturæ de hac consulamus, quæ desperationi facile, modo fidem illis adhibeas, mederi possunt. Proponamus ergo aliquot illustria testimonia scripturæ, de uoluntate Dei erga nos homines. 1. Timoth. 2. 4. clarè scribitur: DEVS uult omnes homines saluos fieri, & ad agnitionem ueritatis uenire,



## ANTIDOTVM

unus est enim DEVM, unus est mediator  
Dei & hominum, homo Iesus Christus, qui  
dedit seipsum in pretium redemptionis pro  
omnibus. Hic tres ordines facit Paulus, in  
supremo Deum collocat: in medio Chri-  
stum redemptorem cum pretio redemptio-  
nis: in infimo, non partem humani gene-  
ris, sed totum humanum genus, seu omnes  
homines collocat. Quicumque ergo se ho-  
minem agnoscit, sciat se in eorum numero  
esse pro quibus mediator intercedit, & dat  
pretium redemptionis. Quomodo autem  
hoc pretium redemptionis singulis appli-  
candum sit, docet Apostolus, cum ait: De-  
us uult omnes homines in agnitionem ue-  
ritatis uenire. Est autem agnitio ueritatis  
notitia & fiducia misericordie Dei prop-  
ter pretium redemptionis, quod Christus  
mediator Dei & hominum pro omnibus  
hominibus semel soluerat in ara crucis.  
Quicumq; ergo uenit in agnitionem ueri-  
tatis, & firma fiducia recumbit in unicum  
nostrum



## ADVERSVS DESPER

nostrum mediatorem Iesum Christum, ab-  
 soluitur ab omnibus peccatis suis, ornatur  
 iusticia Christi, accipit arrhabonem heredi-  
 tatis, spiritum Sanctum. Quare non est,  
 quod quisquam desperet ueniam, cum con-  
 stat, DEVM omnes uelle saluos fieri per  
 hunc Iesum Dominum nostrum, qui eius  
 membra efficiuntur per fidem. Cum hoc  
 Pauli dicto congruunt plurima scripturæ  
 testimonia, ex quibus pauca quædam con-  
 firmandæ fidei nostræ causa huc apponam.  
 Ezech. 33. 11. Nolo, ait Dominus DEVS,  
 mortem peccatoris, sed ut conuertatur à  
 uia sua & uiuat. Iohan. 6. 40. Hæc est  
 uoluntas patris mei, ut omnis, qui uidet fi-  
 lium, & credit in eum, habeat uitam eter-  
 nam. 2. Pet. 3. 9. Deus longanimis erga  
 omnes, non uolens ullos perire, sed omnes  
 ad pœnitentiam recipere. Hanc Dei uo-  
 luntatem, qua Deus uerè uult omnes ho-  
 mines saluos fieri, confirmat etiam manda-  
 tum Dei. Matth. 17. 5. iubentis, ut omnes



## ANTIDOTVM

audiant filium. Item, Mandatum Christi.  
Marc. 16. 15. amandantis Apostolos suos:  
Ite, inquit, in mundum uniuersum, & præ-  
dicate Euangelium omni creaturæ, qui cre-  
diderit & baptizatus fuerit, saluus erit:  
Qui uero non crediderit, condemnabitur.  
Hæc testimonia, & similia de uoluntate  
Dei, uolentis omnes, qui crediderint, sala-  
uos fieri, non sinamus nobis eripi ulla so-  
phistica. Si enim hæc est uera, sic uti est  
uerissima, Deus uult omnes homines saluos  
fieri, profecto falsa erit hæc, Deus non  
uult omnes homines saluos fieri. Non sunt  
enim in DEO contradictoriæ uoluntates.  
Quare cum promissio gratiæ edita per fi-  
lium sit uniuersalis, ut iam demonstratum  
est: nemo cogitet, aliam esse arcanam uo-  
luntatem patris, quæ pugnat cum uolun-  
tate ipsius patefacta uoce filij eius IESU  
Christi. Is enim est uerax nuncius, & testis  
uoluntatis Dei patris. Hinc ergo conso-  
lationem petamus aduersus desperationem,  
quam



## ADVERSVS DESPER.

quam teneamus tanquam ancoram inter fluctus, & procellas tentationum: quod si fecerimus, nunquam euertemur, nunquam dimouebimur loco, nunquam cedemus contrarijs uentis. O felices nos, si hanc doctrinam de uoluntate Dei intimis sensibus & pectoribus infigamus, uera fiducia in Deum recumbentes.

### De tertia causa desperationis.

Tertia causa desperationis est multis cogitatio paucitatis electorum. Nam cum audiunt. Matth. 20. 16. & 22. 14. scriptum esse. Multi sunt uocati, pauci uero electi, statim trepidant & dubitare incipiunt, an sint in illa paucitate electorum. In hunc scopulum multi impegerunt adeo, ut planè de uenia desperarent, putantes Deum exarasse, nescio quas fatales tabulas ante mundum conditum. Sed hi in magno



## ANTIDOTVM

errore uersantur. Dictum domini: multi sunt uocati, pauci uero electi, nequaquam uniuersali gratiæ, & dicto Pauli I. Timoth. 2. 4. Deus uult omnes homines saluos fieri, & alijs similibus testimonijs de uniuersali gratia aduersatur. Sed sententia dicti Christi ex circumstantijs locorum, ubi ponitur, petenda est. Matth. uigesimo, Versu 6. Confertur regnum cœlorum, hoc est, Ecclesia patrifamilias, qui conduxit mercenarios in uineam suam: conduxit autem omnes, quos inuenit otiosos. Matth. 22. 14. Confertur regnum cœlorum, hoc est: Ecclesia regi, qui fecit nuptias filio suo. Vtrobique prædicatur gratia uniuersalis, & bonitas Dei erga uniuersos, & simul accusatur magnitudo ingratitude maxime partis humani generis. Prædicatio gratiæ uniuersalis est: multi sunt uocati. Accusatio ingratitude & querela Christi, de paucitate bonorum est, Pauci uero electi, id est, credentes & sinceri Dei cultores.

Con/



## ADVERSVS DESPER.

Congruit hæc querela, cum ea quæ est.  
Matth. 23. 37 Quoties nolui te congregare, ut gallina congregat pullos suos? & noluisti. Si noluit, non neceßitate, sed crimine prauæ uoluntatis perijt. Sunt qui putant, hanc doctrinam de uniuerſali gratia pugnare cum doctrina prædeſtinationis: & clamitant, eos euertere doctrinam prædeſtinationis, qui docent uniuerſalem gratiam, ſed falluntur: Vtramq; doctrinam docemus, nam & uniuerſalem gratiam prædicamus, & prædeſtinationem electorum factam eſſe, antequam iacerentur fundamenta mundi, agnoſcimus, ut Paulus docet ad Ephe. 1. Quid dico, agnoſcimus? immo ſtatuiſumus, prædeſtinationem eſſe ſolidiſſimum fundamentum ſalutis noſtræ, ad quam ſemper, & præſertim in agone mortis, tanquam ad ſacram ancoram confugiſumus. Sed non hæremus cum Zenonis familia, in uocula prædeſtinationis ſeu electionis, ſed modum prædeſtinationis & ele-



## ANTIDOTVM

electionis ex Paulo prædicamus. Hic enim Ephe. i. 4. modum disertis uerbis tradit. Elegit nos, ait, in Christo ante constitutionem mundi. Item Ephe. i. 5. Prædestinauit nos in adoptionem per Christum Iesum. Item Ephe. 6. Charos nos fecit in dilecto, in quo habemus redemptionem per Sanguinem eius. Hic Paulus clarissimè prædestinationem definit, pronuncians Deum nos prædestinasse saluti per Christum & in Christo. Per Christum quidem, ut mediatorem & *μεσσωτὴν*: in Christo uero, ut in capite, & cum capite, cuius membra efficimur per fidem. Nam cum fide inserimur Christo, eius membra efficimur, atq; ideo prædestinati & electi, quia membra Christi sumus.

Ex his concludo non Stoicam, sed Christianam definitionem prædestinationis, hanc uidelicet: Prædestinatio est ordinatio DEI, qua ipse ante constitutionem mundi, secundum beneplacitum & consilium



## ADVERSUS DESPER.

lium uoluntatis sue per Christum, & in  
Christo destinauit uitæ æternæ omnes in  
Christum redemptorem credituros, ut sint  
sancti, & immaculati coram ipso, utque  
laudem gloriæ, gratiæ ipsius in omni æter-  
nitate prædicent.

Hinc facile est uidere, doctrinam  
prædestinationis non aduersari uoluntati  
Dei, uolentis omnes saluos fieri, & ad ag-  
nitionem ueritatis uenire: nec tollere uni-  
uersalem gratiam, quam prædicat Euan-  
gelium, sed potius eam confirmare. Supe-  
riora igitur dicta, quæ adduximus de uo-  
luntate Dei, uolentis omnes homines saluos  
fieri, illustrantur prædestinationis doctri-  
na, & prorsus cum ea congruunt, ut alibi  
copiosè à nobis dictum, et declaratum est.

Cæterum Stoicæ quorundam præ-  
destinationi multi pii & docti ministri E-  
uangelij opponunt, quatuor hos clypeos,  
uidelicet, mandatum Dei uniuersale, pro-  
missionem uniuersalem, *ἀνθρώποις* uniuersa-  
le,



## ANTIDOTVM

le, & sigillum uniuersale, uidelicet baptis-  
mum. Vt enim Deus mandat prædicari Eu-  
angelium omnibus gentibus, & promit-  
tit omnibus credentibus Euangelio prop-  
ter uictimam filij, quæ facta est pro toto  
mundo, salutem: ita etiam iubet hoc bene-  
ficiu[m] omnibus ob signari per baptismum.  
Hæc simul continentur in hoc Domini di-  
cto. Marc. 16. 15. Ite in mundum uniuersum,  
prædicate Euangelium omni creatu-  
ræ, qui crediderit & baptizatus fuerit,  
saluus erit, qui autem non crediderit, con-  
demnabitur.

### De quarta causa despe- rationis.

Quarta causa desperationis est opinio  
peccati in spiritum sanctum commissi,  
quod est, teste magistro nostro Christo, ir-  
remissibile, & dicitur peccatum blasphemie,  
& peccatum ad mortem. Multi fue-  
runt et sunt, qui cum non rectè intelligunt,  
que



## ADVERSUS DESPER.

quæ sit huius peccati ratio, putant se hoc peccato inuolui, ex quo fit, ut de uenia miserimè desperent, sicuti nostra ætate accidit cuidam Italo Francisco Spiræ, qui uocatus Venetias ad Cardinalem, præ metu abiurauit Euangelium, quod antea professus fuerat. Hic miser non rectè definiuit peccatum in spiritum sanctum, quod in Petro apparet, qui etiam præ metu ipsum Christum abiurauerat. Verum ne quis hic impingat, diligenter ex uerbo Dei definitio peccati in spiritum sanctum eruenda est, qualis hæc est: Peccatum in spiritum sanctum est uoluntaria rebellio aduersus Christum rectè agnium, defectio ab Euangelio in corde hominis per spiritum sanctum illuminantem obsignato, persecutio Ecclesiæ, spreta & abiecta finaliter Christi hostia, quæ sola peccati expiatrix est. Hæc definitio collecta est, ex multorum locorum scripturæ collatione, ut alibi notauimus. Dicitur autem hoc peccatum irre-



## ANTIDOTVM

missibile, non quod sit potentius aut maius, quam gratia: Nam immota stat hæc Pauli regula: Gratia superat peccatum: sed quia non est alia, quam sola Christi uictima pro peccato, quam qui finaliter spernit, absq; dubio in æternum peribit. Nemo proinde existimet, se peccare in spiritum sanctum, nisi qui uoluntariè & finaliter renunciat Christo, ac eius hostiam extremè contemnit, & abiicit, sine qua salus nulla speranda est. A quo peccato liberet nos Dominus noster Iesus Christus.

### De quinta causa desperationis.

Inter causas desperationis quinto loco posuimus molem afflictionum sine intermissione. Hæc enim si non curatur efficaci remedio, hominem in desperationem ueluti per gradus deijcit. Primum enim promissiones gratiæ paulatim obliterantur in mente, extincta fide. Deinde ingens dolor



## ADVERSUS DESPER,

lor & cruciatus in corde nascitur, uastata conscientia, hinc sequitur fremitus cordis aduersus Deum: unde homo tandem in desperationem ruit, quam sequitur æternus animæ & corporis cruciatus in tenebris exterioribus.

Quid ergo remedij habes contra hanc molem calamitatum huius uitæ, ne hominem in desperationem adigat? Triplex remedium huic malo opponatur, uidelicet.

1. Consilium Dei.
2. Exempla sanctorum.
3. Collatio momentaneæ crucis & æternæ gloriæ. Item præsentis afflictionis, & æternæ poenæ.

Consilium Dei, quo alios minus, alios magis, etsi pares, si peccata eorum spectes, affligit in hac uita, non tam scrutandum, quam adorandum est: habet enim causas



## ANTIDOTVM

iusti sui consilij. In hoc Dei consilio, spe-  
ctanda sunt duo Iudicium, & misericordia.  
Iudicium quidem, quo iuste punit hominem  
propter peccatum, cum naturæ, tum per-  
sonæ: quod quidem in eum finem facit ex  
paterno amore, ut uiam sibi sternat ad mi-  
sericordiam. Misericordia uero, ut puni-  
tus resipiscat & saluetur. Est enim natura  
Dei, quod mortificet, ut uiuificet: deducat  
ad inferos, ut in coelum exaltet. Hæc ergo  
duo, iudicium & misericordia, excitabunt  
in afflicto confessionem, inuocationem,  
gratiarum actionem, & Spem. Confessio-  
nem, ut dicat cum Dauide Psalm. 51. 6.  
Peccaui Domine, & malum coram te feci.  
Item Psalm. 119. 137. Iustus es Domine, &  
rectum iudicium tuum. Inuocationem, ut  
dicat cum Publicano Luc. 18. 13. DEVS  
propitius esto mihi peccatori. Item Psalm.  
25. 11. Propter nomen tuum propitiare  
peccato meo, multum est enim. Item Psal.  
51. 1. Secundum multitudinem miserationum



## ADVERSVS DESPER.

num tuarum dele prauaricationes meas.  
Gratiarum actionem: Vt dicat cum Iob 1.  
21. Dominus dedit, Dominus accepit, sit  
nomen Domini benedictum. Spem deniq;  
ut uero corde sentiat, & dicat cum eodem  
Iob 13. 15. etiamsi me occideris, in te spe-  
rabo, hoc est, etiamsi me extremis calami-  
tatibus subieceris, non desinam in te spera-  
re. Hec enim mea spes in aeternum non  
confundetur.

Exempla sanctorum, qui propter diu-  
turnas afflictiones non defecerunt à fide,  
sed magis in spem bonam erecti sunt, scien-  
tes iudicium à domo Dei incipere, sunt ob-  
uia: sed omissis alijs, exemplum Lazari,  
quod Ecclesie toti notum est, proponam,  
presertim, quia illud nobis à Christo com-  
mendatum est Luc. 16. 20. in hunc finem,  
ne à Deo deficiamus propter calamitates,  
quæ incidere possunt in hac uita. Hic La-  
zarus fuit pauper, ulcerosus, & contem-  
tus usq; ad finem uitæ in hoc mundo. Quid



## A N T I D O T V M

hic fecit Lazarus: non desperavit, non putabat se propterea à DEO reiectum, quia spernebatur ab hominibus: non putabat se ideo abominabilem coram Deo, quia hominibus abominabilis erat, propter morbi sui foeditatem: non putabat se ideo reiectum iri à Deo, quia pauper & mendicus erat. Quid ergo fecit? hoc eventus indicat, mortuus deferrebat ab Angelis in sinum Abraham. Ergo dum uixit, quantumvis pauper, ulcerosus, & contemptus, Abraham uestigijs institit, ut Filius patris: credidit igitur DEO, ut Abraham, obediuit Deo ut Abraham, spem habuit ut Abraham, alioqui in locum beatitudinis cum Abraham nequaquam fuisset receptus. Sed dicis fortè: hoc singulare exemplum non potest communem regulam præscribere. Respondeo: potest ut q; Deus enim iustus est & æqualis, æqualiter se habentibus, apud quem non est personarum respectus, quod ad iudicium & misericordiam attinet;



## ADVERSUS DESPER.

net: iudicio omnes contumaces, & perseuerantes in peccatis usq; ad mortem condemnat: misericordia omnes, qui conuertuntur ad Deum per fidem in Iesum Christum, recipit. Valet ergo consequentia ab uno ad omnes propter constantiam Dei in suis comminationibus & promissionibus. Vt Paulus Roman. 4. 23. ab uno exemplo Abrahæ colligit, omnes, qui credunt iustificari fide absq; operibus: Ita nos ab uno exemplo Lazari recte concludimus, omnes afflictos in hoc mundo, modo retineant fidem Abrahæ, recipi à morte in sinum Abrahæ, hoc est, in beatam requiem, promissam omnibus inuocantibus nomen Domini, iuxta illud Ioel. 2. 32. Roman. 10. 13. Omnis qui inuocauerit nomen Domini, saluus erit. Quantumuis ergo affligimur in hoc mundo, statuamus Deum non aliter erga nos affectum esse quam fuit erga Lazarum: & firma fide promissionem hanc teneamus, Psalm. 50. 15. Inuoca me in

E 5

die



## ANTIDOTVM

dle tribulationis, eripiam te, & glorifica-  
bis me.

Collatio miserie presentis uitæ, &  
gloriæ future uitæ. Illa finem habet, hæc  
eterna est: illa momentanea est, hæc per-  
petua, quæ promissa est ijs, qui in fide per-  
seuerant, & in inuocatione Dei ab hac ui-  
ta discedunt. Sed per amarum est, in quies,  
toto uitæ tempore cruciari? Verissimum  
quidem hoc est, sed ista amaritudo, si ei ar-  
tem diuinitus monstratam adhibeas, uerte-  
tur in dulcedinem; & tametsi in se manet  
amara, tibi tamen suauissima uidebitur. Vt  
enim aquæ, quæ erant amarissimæ in Ma-  
rath, iniecto ligno à Mose ex mandato Do-  
mini, factæ sunt dulcissimæ Exod. 15. 25.  
Sic nihil non fit credentibus non suauissi-  
mum, si lignum illud crucis & supplicij  
Christi addatur ceu condimentum. Hoc fit,  
quando in nostris calamitatibus uiua fidu-  
cia recumbimus in Christum, qui pro nobis  
in ligno pependit, ut omnia nobis amara  
fiant



## ADVERSUS DESPER.

fiant dulcia, fiducia Christi, et spe beata & eterna gloria, quae in immensum excedit huius uitae calamitates & misérias, quantumuis longissimas. Vt enim mare superat sua quantitate guttulam aquae: ita gloria, quam speramus, superat, immo supra modum excedit omnes huius mundi calamitates, et misérias totius humani generis. Quicumq; ergo conflictatur cum perpetuis afflictionibus in hac uita, cogitet etiam de immensa gloria, quae proposita est ijs, qui in inuocatione Dei ex hoc mundo discedunt. Hanc collationem praesentis miserie & futurae gloriae commendant nobis Christus, Paulus, & Petrus. Christus Matth. 10. 28. Nolite timere eos, qui occidunt corpus, animam autem non possunt occidere, sed timeate potius eum, qui potest & animam & corpus perdere in gehenna. Perdere hic non est in nihilum redigere, sed aeternis cruciatibus affligere. Vult ergo Dominus, ut cum affligimur in hac uita, duplicem collationem



## ANTIDOTVM

tionem instituamus, unam afflictionis præsens vite, & poenarum eternarum: Alteram afflictionis præsens vite, & future gloriæ in vita beata. Quando ergo affligeris in hoc mundo, cogita quam sit hæc brevis afflictio, quæ ne momenti quidem rationem habet ad poenas eternas, quæ manent omnes, qui non conuertuntur ad Deum ante mortem. Hinc in afflictione excitaberis ad poenitentiam, ut effugere horribiles illas poenas & eternas queas. Rursus quando affligeris, cogita quam levis poena sit hæc, si conferatur cum gloria sempiternæ vite credentibus in Christum promissa. Hic rursus & ad poenitentiam, & ad patientiam excitaberis. Ad poenitentiam quidem, ut fias particeps beatæ immortalitatis. Ad patientiam uero, ut propter spem promissæ salutis æternum duraturæ, forti animo sustineas afflictiones huius vite, ac eas pro nihilo habeas. Paulus. 2. Corinth. 4. 17. Leuitas afflictionis nostræ supra modum



## ADVERSVS DESPER.

modum momentanea, æternum supra modum pondus gloriæ operatur in nobis, dum non spectamus ea quæ uidentur, sed quæ non uidentur. Roman. 8. 18. Non sunt afflictiones huius uitæ condignæ ad futuram gloriam. Petrus. 1. Pet. 5. 10. Deus omnis gratiæ, qui uocauit nos ad æternam suam gloriam, in Christo Iesu, paululum afflictos ipse uos perfectos reddat. Breuiter, cum habeamus duplex mandatum Dei, unum obedientiæ, alterum inuocationis, quoties cruce, quantumuis graui, premimur, simus Deo obedientes sub cruce, in uera patientia, ac ipsum inuocemus, qui dixit Psalm. 50. 15. Inuoca me in die tribulationis, eripiam te, & glorificabis me.

### De sexta causa desperationis.

Sexta causa desperationis est diuturna & longissima peccandi consuetudo, quæ homo se totum Diabolo subijcit contempto

F

Deo



## ANTIDOTVM

Deo et eius uerbo. Nam qui impuritati uita  
te diutius indulgent, eorum conscientia,  
quasi cauterio inuritur 1. Timoth. 4. 2. ut  
iam non sentiant malum. Qui ergo tales  
sunt, difficulter in uiam reuocari possunt.  
Impius, ait Salomon Prouerb. 18. 3. cum in  
profundum peccatorum uenerit, contem-  
nit, id est, securus fit, & contemnit iudici-  
um Dei, nec de pœnitentia agenda cogitat.  
Nihil ergo periculosius est tali peccandi  
consuetudine, qua multi, proh dolor, in  
æternum exitium præcipitantur. Quid hic  
dicemus? Si gratia superat peccatum, &  
Deus non uult mortem peccatoris, neq; hic  
omnino desperandum est. Nam certum est,  
quod bonitas Dei inuitet omnes ad pœni-  
tentiam, donec in hac uita fuerint. Roman.  
2. 4. Etsi igitur periculosissima est lon-  
gissima peccandi consuetudo, ut diximus,  
qua textitur longa & tristissima peccato-  
rum catena: tamen misericordia Dei pœ-  
nitenti exposita est. Sed hic opus perito  
medio



## ADVERSUS DESPER.

medico. Vt enim in uitijs corporis medenda  
dis fit : Ita etiam in peccatis hominum cura  
randis fieri necesse est. Vitia corporis alia  
facile curantur applicatione malagmatis :  
alia opus habent sectione : ijs quæ sectione  
non curantur, ignis adhibetur, ut exuratur  
uitium corporis. Sic alia peccata salutaribus  
admonitionibus emendantur : alia ob  
iurgationibus & minis curantur : alia non  
nisi cruce et afflictionibus sanantur. Cuius  
generis est longa peccandi consuetudo, &  
inueterata, de qua nunc nobis sermo est.  
Latro qui audiuit à Domino, cras eris me  
cum in Paradiso, nunquam resipisset, nisi  
cruce fuisset eruditus, nam uenerat in pro  
fundum peccatorum. Huius Latronis ex  
emplum, ideo proponitur nobis in passione  
Domini, ut sciamus nullum peccatum tan  
tum esse, neq; tam diuturnum, quin possit  
sanari aspersione sanguinis Christi, quod  
fit, quando homo conuertitur ad Deum per  
fidem in Iesum Christum. Huius sanationis  
F 2 imago



## ANTIDOTVM

imago proponitur nobis in Lazaro quadriduum mortuo. Vt enim Dominus non solum potuit sanare socrum Petri febricitantem, coecos, claudos, leprosos, Item filiam Iairi in lecto iacentem mortuam excitare, Item filium Viduae iam exportatum extra urbem ut sepeliretur, uerum etiam Lazarum quadriduum iam foetentem in sepulchro excitauit. Ioh. 11. 44. his imaginibus significatur, quod medicus animarum nostrarum Iesus Christus possit & recentia uulnera animæ, & inueterata foetentiaq; sanare. Hic noster medicus sanauit Manassæ, Magdalenam, Latronem, & innumeros alios, quantumuis in peccatis suis, ueluti sepulti foetuerunt. Nemo ergo desperet ueniam, etiamsi diutissime in peccati lutum & foetorem demersus fuerat. Si ueritur igne crucis, & inde excitatur conscientia, quæ iam diu, tanquam mandragora sopita iacuit, agat gratias Deo, qui dignatus est sibi manum medicam adhibere, & reuer-



## ADVERSVS DESPER.

Reuertatur à uia sua pessima, per fidem in  
Iesum Christum. Quod si fecerit, sanabi-  
tur à suo morbo, tametsi fuerit longissimus  
& periculosissimus. Semper, ait Fulgenti-  
us, delectatur Deus conuersione nostra, nec  
tempus huiusmodi, quam diu in hac uita  
est, posuit, quo propitiari conuerso non  
possit, immo tempus omne præsens uitæ  
conuersioni nostræ cognoscitur deputasse.  
Idem: Nulla prolixitas temporis, uel æqui-  
tati diuinæ, uel pietati præiudicat. Poeni-  
tentia nunquam est apud DEVM sera: in  
cuius conspectu semper pro præsentibus  
habentur, tam præterita, quam futura. Si  
diuturnitas peccatorum Dei uinceret mi-  
sericordiam, non in ætate mundi nouissima  
ueniret, ut peccatum mundi percuntis au-  
ferret. Verum hic quilibet omnium pri-  
mum cogitet, quam multa mala concurrant  
in uno peccato. Primum in se est turpe &  
abominabile, quo dignitas humane natu-  
ræ defoedatur, tanquam coeno immundis-



## ANTIDOTVM

sinio & foeditissimo. Secundo, placet mi-  
rum in modum impuris spiritibus: id est,  
diabolis, nec quicquam diabolis iucundius,  
quam ut homines formati ad imaginem  
DEI, sui similes per peccatum, euadant.  
Dominantur enim diaboli per peccata ho-  
minum, ijsq; pascuntur, ut ait Augustinus:  
Tertio, Deo sancto & casto peccatum sum-  
mè displicet, nam est uiolatio legis diuinæ:  
defectio à DEO: deformatio & inductio  
imaginis DEI, ad quam factus est ho-  
mo: prouocatio iræ DEI in peccatorem:  
Quarto, peccatum nocet committenti,  
nam eum obstringit ad æternas poenas,  
nisi fiat remissio. Quinto alijs imitatio-  
ne nocet, nam qui te peccantem imitan-  
tur, non solum ipsi rei fiunt æternarum  
poenarum, uerumetiam tuus reatus fit  
maior coram DEO, adeo ut CHRISTUS  
dicat de tali homine: melius esse mola a-  
sinaria alligata capiti eius demersum esse  
in mare.

Dein=



## ADVERSVS DESPER.

Deinde cogita, quam grata sit Deo & angelis eius matura resipiscentia. Gaudium, inquit Dominus, angelis in cœlo super uno peccatore poenitentiam agente. Præterea cogita, quantum periculum sit in peccatis consensescere. Sera poenitentia, ut ait Augustinus, raro uera. Multi tolluntur e medio subito præter omnem expectationem, multi iraduntur in reprobam mentem. Pauci admodum, qui consenuerunt in peccatis, in uiam reuocantur, sed obruuntur tenebris mentis & cordis, ut de poenitentia agenda nunquam cogitent. Ambulabant, ait Sophonias capit. i. 17. ut cœci, quia Deo peccauerunt. Thesaurisant sibi iram in diem iræ, & reuelationis iusti iudicij Dei. Iuxta duritiem tuam (ait Paulus: Roman. 2. 5.) & cor poenitere nescium, colligis tibi ipsi iram in diem iræ & reuelationis iusti iudicij Dei. Cogita uoluntatem tuam non posse mutari à malo ad bonum sine gratia Dei, sed magis magisque in malo



## ANTIDOTVM

indurari. Vt enim sole subtrahente suos radios, sponte sequuntur tenebræ, quæ magis magisque crescunt: Ita Deo subtrahente suam gratiam, sponte succedit peccatum, crescitque magis magisque, donec hominem prorsus oppresserit æternis tenebris. Nihil proinde tutius est, quam citissime conuerti ad Dominum, & ambulare coram DEO nostro sollicitè, inuocare Deum, gratias agere Deo: audire, legere, & meditari uerbum Dei, exercere opera charitatis, facere opera uocationis in timore Dei: cogitemus ideo diem mortis esse incertum, non ut differamus, sed ut maturemus poenitentiam. Iuuenibus enim mors est in insidijs, senibus in ianuis. Memorabile est Augustini dictum, Ne, inquit, desperando augeamus peccata, propositus est poenitentiae portus: rursus ne sperando augeamus, datus est dies mortis incertus. Cogitemus igitur de extremo actu uitæ, ut ille sit latus, cogitemus de futuro iudicio, imitantes diuim Hieronymum, qui



## ADVERSVS DESPER.

qui hac cogitatione se in timore Dei continebat. Siue, inquit, comedam, siue bibam, siue aliquid aliud faciam, semper vox illa uidetur sonare in auribus meis: Surgite mortui, & uenite ad iudicium. Notetur hic consilium Augustini: Vis à dubio liberari: Vis quod incertum est euadere, age poenitentiam, dum sanus es: si sic agis, dico tibi, quod securus es, quia poenitentiam egisti eo tempore, quo peccare potuisti.

## ECPHRASIS DOMINICÆ Orationis.

Pater noster (per fidem enim natus sum<sup>9</sup> filij tui in dilecto tuo filio Iesu Christo.

Qui es in coelis (quo nos uocas hæredes tuos, & cohæredes Iesu Christi filij tui dilecti.

Sanctificetur nomen tuum (hoc est, per ueram notitiam tui, & sanctificationem spiritus glorificetur. In hunc  
F 5 enim



enim finem omnia creasti, ut te sanctum ag-  
noscant & glorificent.

Veniat regnum tuum [te in  
nobis regnante uerbo, spiritu, iusticia, pace  
& gaudio in spiritu sancto.

Fiat voluntas tua (de nobis &  
à nobis. De nobis quidem in salutem, quia  
tua uoluntas est, ut omnes homines salui fi-  
ant, & ad agnitionem ueritatis ueniant: à  
nobis uerò, ut tibi pareamus & faciamus  
que tibi grata sunt, uiuentes in iusticia &  
sanctitate uera.

Sicut in cœlo & in terra (ut  
tibi obediamus in terra, quemadmodum  
castissimi Angeli tibi obediunt in cœlis.

Panem nostrum quotidiana-  
num da nobis hodie (pasce & a-  
nimas nostras pane uitæ æternæ, & corpo-  
ra nostra terrenis alimentis, conserua agri-  
culturam, conserua ministerium Euangelij,  
mitte fideles ministros uerbi, da magistratu-  
m politicum iustum, tuere regem & alios,  
qui in dignitate sunt constituti unà cum  
subditis. Et



Et dimitte nobis debita nostra (quoniam in multis labimur omnes, condona nobis o pater quotidianos lapsus, ignosce erroribus nostris, uiciosos affectus reprime, da gratiam spiritus & robur, ut in nobis peccatum non dominetur, sed ut illud subiectum reprimamus.

Sicut & nos remittimus debitoribus nostris (Quia uis, pater, tuum factum, quo remittis nobis peccata, esse regulam nostrae affectionis erga proximum, da nobis ex gratia, ut & nos remittamus debitoribus nostris, quantum quidem in nobis est, & expedit tuae gloriae, & charitati proximi.

Et ne nos inducas in tentationem (Ne permittas, ut caro nostra, Mundus et Diabolus nos in tentationem inducant, ut uel dubitemus de tuo uerbo, uel presumamus de uiribus nostris, uel deficiamus a te uita nostra, ac tandem desperemus ac moriamur mortem eternam.

Sed



Sed libera nos à malo [ hoc  
est, & à Diabolo tentatore qui nos solici-  
tat ad defectionem à te DEO nostro, & à  
quouis malo impediēte quæ tuæ sunt glo-  
ria & nostræ salutis.

Quia tuum est regnum (ad  
quod nos uocas.

Tua potentia (qua nos defendis  
& reprimis hostes.

Et tua gloria (cuius nos reddes  
participes propter filium tuum Dominum  
nostrum IESUM Christum. Cui una tecum  
& spiritu sancto sit laus, honor, imperium  
in omnem æternitatem.

Amen, (Fiat O pater quæsumus  
quod ex mandato filij tui nostri  
unici mediatoris te pe-  
timus, Amen.



H A F N I A E

Sumptibus Henrici V Valdtkirch: C. & B.

Hafniensis: apud quem etiam ue-  
nalis extat.



528.

oc  
i=  
à  
o=  
ad  
dis  
les  
m  
m  
m

S.